

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Meditationum evangelicarum pars secunda, hoc est:  
Solida, ad descendam & exercendam, ex evangeliis tam  
dominicalibus quam festivalibus Christi & sui-ipsius  
notitiam, informatio**

**Creide, Hartmann**

**Francofurti ad Moenum, 1682**

Altera pars

[urn:nbn:de:bsz:31-126164](#)

His d<sup>o</sup>g n<sup>o</sup> Rerum parentis dextera,  
 Est cibos Retundet mortis spicula,  
 Ne horum Servabit ossa corporis,  
 Nec  
 Nec magi Convestiar membranulis.  
 Videbo nullus ambigo,  
 In sempiternā gloriā, Data gloriā  
 Quæ mī data,  
 Sit Laut ei per secula.  
 Das ist mein Trost zu aller Zeit/  
 In allem Kreuz und Traurigkeit.  
 Ich weiss/dass ich am Jüngsten Tag/  
 Ohn alle Klag.  
 Werd auferstehn auf meinem Grab.  
 Mein lieber frommer getreuer Gott  
 All mein Gebein bewahren thut/  
 Da wird nicht eins vom Leibe mein/  
 Sei groß oder klein  
 Umbkommen noch verloren seyn.  
 Mein lieben Gott von Angesicht/  
 Werd ich anschauen/ dran zweifl ich nicht/  
 In ewiger Freud und Seligkeit/  
 Die mir bereit/  
 Ihm sei Lob/Preis in Ewigkeit.  
 Quando itaque hodiē Deus, missis An-  
 gelis suis, ut ecclesiæ ministri vocantur, hoc  
 solatium nobis prædicare finit, cor nostrū  
 gaudio exultare debet, non modò memo-  
 res, Dominum Jesum Christum resurre-  
 xisse à mortuis, 2. Tim. 2. v. 8. sed & firmi-  
 ter credentes, nos quoq; suo tempore per  
 virtutem ejus resurrecturos esse, juxtapro-  
 missionem: Ego vivo, & vos vivetis, Joh.  
 14. v. 19.

Homines mundani tententur, quod fru-  
 mentum & mustum eorum multiplicata  
 sint, ut homo ille dives, Luc. 12. v. 17. sive,  
 quod in summo honore versentur, ut Ha-  
 man, Esth. 5. v. 11. sive, quotidie splendide

optimus epulentur, ut dives epulo, Luc. 16. v. 25. Tu  
 mea oīgāude, quod Redemptor tuus vivit, qui te a-  
 quide sūciā liquando de terrā suscitabit, Job. 19. v. 25.  
 minuit Gāude, quod iniquitatem tuam expiaverit,  
 exi pōtū & adduxerit justitiam sempiternam, Dan.  
 Enī aīfa 9 v. 24. Gāude, quod mortem absorpsēt in  
 victoriā, Esa. 25. v. 8. Gāude, quod conclu-  
 sionē cœli portam recluserit, notamq; tibi fe-  
 cerit viam vitæ, Psal. 16. v. ult. Jam sonat vox  
 exultationis & salutis in tabernaculis justo-  
 rum. Psal. 118. v. 15. R̄om. 8. v. 32.

## Altera Pars.

Transibimus nūnc ad alteram partem,  
 Χριστονοστα, sive noxitiam Christi con-  
 templatur. Is nobis proponitur in Ev-  
 angelio hoc:

I. *Tanquam sexus faminei commenda-*  
*tor.* Quænam peregrinantes hæ fuerunt,  
 quæ Christum festo Paschatos in sepulchro  
 quæsiverunt? Fuerunt piæ matronæ & mu-  
 lieres, nimurum, Maria Magdalena, Maria  
 Jacobi, & Salome. Lucas mentionem quo-  
 que facit Johanna, uxoris Chufæ, procura-  
 toris Herodis, Luc. 8. v. 3. dicitq; quod aliae  
 cum eis fuerint, Luc. 24. v. 10.

De his prædicatur in hodiernum usque  
 diem in totō orbe Christiano, in omnium  
 piarum matronarum honorem, ut sola-  
 tium inde habeant, & certi esse possint, si  
 Deum timent, & Christum querunt, non  
 quidem in sepulchro, sed ad dextram Dei  
 Patris, fideli & submissâ precatione, non si-  
 bi damno fore, quod infirmius vasculum  
 sint, 1. Petr. 3. v. 7. Dei enim virtus in infir-  
 mitate perficietur, 2. Cor. 12. v. 9. & sāpē  
 plus per eas efficiet, quam per viros, qui in  
 arte, robore & sapientia suā confidunt, Ps.  
 147. v. 10. II.

*In Feste Paschatos.*

166

Lutherus scribit de Judæis, quod in Synagogis plus Deo pro tribus gratias egrent. Primo quod rationales, non bruta illos creaverit. Deinde quod semen Abraham, non ethnici nati essent, & tertio, quod viri non mulieres existerent.

Sed Spiritus sanctus, non veretur piashasce mulierculas nominet enus exprimere, quando historiam resurrectionis Christi describit. Licet enim à muliere initium factum est peccati, Sir. 25.v.32. Attamen Deus filium suum n̄ iisit, factum ex muliere, Gal. 4, 4. Qui pro sexu quoque fœmineo sanguinem suum profudit, & propitiatio factus est, pro totius mundi peccatis, 1. Joh. 2.v.2. Ut nullum discrimin sit, inter masculum & fœminam, Gal. 3, v.28.

Sicut igitur alias Deus suorum nomen novit, 2. Tim. 2.v.19. sic etiam peculiarem Catalogum habet sanctorum Matronarum, in quo omnes illa nominet enus scripta sunt, quæ cum verâ fide sibi applicarunt. Sara propter obedientiam, 1. Pet. 3.v.6. Rebecca ob verecundiam, Gen. 24,65. Ruth ob frugalitatem, Ruth. 1,25. Esther ob humilitatem, Esth. 4,16. Elisabetha ob vitam inculpabilem, Luc. 1,6. Mulier Cananæa, ob præclaram fidem, Matth. 15,28. Tabea ob Eleemosynas, Act. 9,36. alias alias laude celebres sunt, ob quā Deus eas cognoscit, & in libro monumenti consignavit, Mal. 3,16.

Operam igitur dare debent omnes Matronæ, mulieres & virginæ, ut in hunc Catalogum & ipsa referantur, quod fieri, si in Christum credent, & vita puritati studebunt, nec malum saltē, sed & speciem mali declinabunt, 1. Thess. 5,22. & non externum duntaxat, sed internum ornatum gerent, 2. Petr. 3.v.3. seqq.

II. *Tanquam metus propulsator.* Ideoq;

hic angelum suum alegat, ut mulierculis perterritis animum addat, & dicat: Nolite timere.

Adhuc hodie Salvator noster *Angela Ecclesia* suæ alegat, ut *Nolite timere* illud ingemint, & omnem mœrem animis nostris excutiant, Es. 40,1,2.

Si igitur vos terret ira Dei, quæ ignis consumens est, Deut. 4,24. Job. 9,13. *Nolite timere*, Christus nobis pacem impetravit, Rom. 5,1. Deus non amplius vult irasci, Es. 54,9. sed secundum altitudinem cœli à terrâ, prævalebit misericordia ejus, super timentes se, Ps. 103,11. 1. Thess. 5,9.

Terret vos maledictio legis? Deut. 27, ult. *Nolite timere*, Christus maledictionem subiit, & nobis victoriam impetravit, Gal. 3,13. Sumus benedicti à Domino, qui fecit cœlū & terram, Ps. 115,15. Eph. 1,3. Die novissimo audiemus vocem Christi amabilem: Venite benedicti, Matth. 25,35.

Terret vos peccatum, quod nos & Deum nostrum dividit, Es. 59,2. Os. 13, v.9. *Nolite timere*: Christus traditus est propter peccata nostra, & resurrexit propter justitiam nostram, Rom. 4.v.ult.

Si quis vadimonium pro altero obit, vinculis non citius expeditur, nisi omnia exsolverit. Sic Christus vadim pro nobis se exhibuerat, promiseratq; exsolvere, quod non rapuerat, Ps. 69,9. propterea in custodiâ tenebatur, usq; ad diem tertium. Sed tertio die fortiter erupit, & à mortuis resurrexit. Inde colligimus, quod debitum nostrum dissolverit, secus enim è vineulis dimissus nō fuisset. Verè vorsuram fecit, & chirographum delevit. Col. 2,14. 1. Joh. 2,1,2.

Terret vos mors, qui ultimus est inimicus! Cor. 15,26. & nulli parcit, 2. Sam. 14. v.14. *Nolite timere*, Christus absorpsit morte in

in victoriam, i. Cor. 15, 55. Scimus quod trālati sumus, de morte ad vitam, i. Joh. 3, 14. Et sicut redemptor noster vivit, nos quoq; vivemus, Joh. 14, 19. 2. Cor. 5, 1. Joh. 14, 2.

Terret vos Satanas? Nolite timere, Christus hunc quoq; hostem superavit, & traduxit illum triumphans, Col. 2, 15. Of. 13, 14.

Sic vicit Leo de Tribu Juda, Apoc. 5, 5. Nunc facta est salus, & virtus, & regnum Dei nostri, & potestas Christi ejus, Apoc. 12, v. 10. & seqq.

III. *Tanquam vita reparator.* Sicut enim omnes in Adam moriuntur, ita & in Christo omnes vivificabuntur, i. Cor. 15, v. 22. Causa est, quia Christus caput nostrum est, & nos ejus membra sumus, Eph. 5, v. 23. Ideo verum est, quod Leo ait: *Quo precessit gloria capitis, eo sequetur etiam spes corporis.*

Hoc non impossibile est, ut filii hujus seculi arbitrantur. Spectate Solēm, in ecelo, qui alio loco occidit, alio oritur, ita facit, verba sunt Tertulliani, *ut dies moriatur in nocte, & tenebris sepeliatur, & tamen rursus cum suo cultu, & dote re viviscat.* Hæc *imago resurrectionis nostra* est. Quandoenam morimur, occidimus, & terræ gremio insinuamur, quæ nox est, sed die novissimo resurgemus, & fulgebimus sicut Sol in regno Patris, Matth. 13, v. 43.

Simile quid *annī tempora* nobis adumbraunt. Si sol in Autuno à nobis secedit, omnia quasi intereunt: Sed cum vere remeans, & radiis suis orbem collustrans, vitam quasi reducit, quando faciem terræ renovat, Psal. 104, v. 29.

Quod si Sol virtute suâ hoc efficere valet: quidni magis Christus, qui *Sol justitiae* est, corpora nostra putrefacta tempore *Véris* dici novissimi producere, & ad vitam æternam?

nam resuscitare possit? Est siquidem magnus consilio, & incomprehensibilis cogitatu, Jer. 32, 19. Quin & præclara admodum specimina ejus edidit. Resuscitavit enim Lazarum è sepulchro, Joh. 11, 14. Adolescentē Nainiticum è sarculo, Luc. 7, 17. filiam Jairi è lectulo, Matth. 9, 25. Sic, ut per ruptor iter pandit, ut & nos per rumpere possimus, Mich. 2, v. ult.

Agricola, semen suum in terram proiecens, quasi tumulo illud condit, quod tamen suo tempore enascitur & virescit: Eadem modo nobiscum se res habet, post mortem enim in coemeticium deportamus, ibideinq; quasi in terram seminamur, die v. extremo, ossa nostra quasi herba germinabunt, Et. 66, 15. i. Cor. 15, 42. seqq.

Circa hoc vernum tempus solemus vicissim in hortos exspatiari, sed paucissimi recte expendunt miracula, quæ Deus quotannis in arboribus & plantis perpetrat. Hinc Lutherus super Genesim: *Ex ligno durissimo enascitur flocculus, enascitur folia, provenient fructus. O miraculosares, sed quia uistata est, viles cit. Iterum hinc imaginem resurrectionis nostræ capiamus. Quid n. Hiob c. 14, 7. 12. dicit, id de hæc temporali vitâ intelligendū venit. Nemo n. ante diem novissimū resurget. Interā tamē certi sumus, quod è morte prodituri sumus, ad modum arborum gemmas ex se producentium, ut Christus ipse simile hoc nobis proponit, Luc. 21, 29.*

In primis vero fidem nostrā fundamus in resurrectione Christi, qui ipse resurrectio respectu nostrum quoq; est, Joh. 11, 25. Luc. 21, 33. Ideoq; dicere cum Paulo confidenter possumus: *Mihi vivere Christus est, & mori lucrum, Phil. 1, v. 21. Rom. 14, 8.*

Sic in omnibus quoq; calamitatibus animosi esse, & cum Andreā dicere possumus:

*Iuve-*

*Dominica Quasimodogeniti.*

Invenimus Messiam, Joh. i.v.45. Nec minus : Invenimus perruptorem, Mich.2.v. ult. & æternam redemtionem, Heb.9.v.12. 1.Petr.i.v.3.5.

Quodsi verò solatio hoc frui velimus, resurgentum est nobis ab operibus mortuis per veram & seriam pœnitentiam. Beatus & sanctus , qui habet partem in resurrectione primā : in his secunda mors non habet potestatem, Apoc.20.v.6. Impii enim etiam quidem resurgent, at in æternum opprobrium,Dan.12.v.2.

Quodsi verò nos per pœnitentiam resurrexerimus, & ut filios Dic decet, ambulaverimus, tum caro nostra, quæ jam ob peccata est *socia crucis*, aliquando etiam erit *social lucis*. Oculi, quos jam elevamus in montes, unde venit nobis auxilium, Ps.121. v.1, tum videbunt Deum à facie ad faciem, 1.Cor.13.v.12. Aures, quæ jam libenter verbum Dei audiunt, ibi in æternum τρισκόν Angelorum audient, Sanctus, sanctus, sanctus Dominus Deus exercituū, plena est o-

ministera gloriæ ej9, El.6,3.Os, quod Deū hic laudat & celebrat , ibi eum celebrabit in æternum, & canet cum turbis multis in cœlo: Salus & laus, & gloria, & virtus Domino Deo nostro,Apoc.19.v.1. *Manus*, quæ hic paucib[us] liberaliter elemosynas erogaverunt, plaudent ibi in seculum, super omnia bona, quæ Deus præparavit diligentibus. 1.Cor.2.v.9. *Pedes*, qui hic latantur stare in portis Jerusalēm, Ps.122. v.2, ibi stabunt ante thronum Dei, & servient ei die ac nocte in templo ejus,Apoc.7.v.15. Imò tantum ibi gaudium erit, ut omnium misericordiarum hujus mundi facile oblitori simus. Et quomodo ego illud enarrare valeam , cum oculus non viderit, auris non audiverit, nec in cor hominis ascenderit ? 1.Cor.2.v.9. Interea suspiramus cum spiritualis sponsâ : Amen: Veni

Domine Jesu! Gratia Domini nostri  
Jesu Christi cum omnibus vo-  
bis, Amen.

*Dominica Quasimodogeniti.*

*Evangelium , Iohan.20. v.19. --- 31.*

*EXORDIUM.*

**P**ostquam Propheta Jonas à balenâ deglutitus, tres dies & tres noctes in eisdem ventre fuerat, evomuit eum rufus in aridam. Et surrexit Jonas, & abiit in Niniven, prædicans ibidem pœnitentiam & remissionem peccatorum, ut Deus ipfi mandaverat, Jon.3.v.3.

*Jonas typus Christi fuit*, sicut ipse sibi applicat, cum Scribæ & Pharisæi signum postularent, inquiens: Generatio mala & ad-

ultera signum querit, & signum non dabatur ei, nisi signum Jonæ Prophetæ. Sicut enim fuit Jonas in ceti ventre tribus diebus & tribus noctibus; sic erit Filius hominis in corde terræ , tribus diebus & tribus noctibus, Matth.12.v.39.40.

*Jonas erat Propheta Domini*: Sic Christus Propheta ille, qui in mundum venturus est, de quo Moses prædict. Joh.6.v.14. Deut.18.v.18.

*Jonas*